

AE

Mek nimi ae soropne sikin ua unag sembe sorop, nimi mog nakin nimi uropne sikin nosap imagneri so'o tatsiogti peibsioga uro urop, mek nimi babe, sikipa mek so'o tatsiogti, peipsiogpa sikipa mek nimiri uroba uro urop, ae sonne, awe wene, nia makina unne, sumbahiogti peibsioga uro urop.

Tam nene mome topnuapnena, mek nimi ae soropne sembe mome tomnuap, mek nimiri ae solamlonge ae sisa wilindi, **selekne yoi(negabori ae) phendep kelabo ae, wilndipne sora'ae sorop.** mek nimi ae soropne anamag, menekna sam menekeanep, menekna tanena, at wa'aharen tomnep, at wa'aharen tomna ranena io'og iknep, io'og ikna ranena, tikae ae ranena yaepna peimnep, so'o ae ranena, peket peagkano sobanep, tikae ae ranena, io'og iknari peagkano soban komag, tika samenag yaepna peimnep, yaepna peimna ranena, tikae sapnep, tika sabiaha ranena, peagkano sobanep, peagkano soban tanena, aplengna sobanep, aplengnang soban tanenan, mek nimiri ae solamlonge ae sisa wilindi, **selekne yoi(negabori ae) phendep kelabo ae, wilndipne sora'ae sorop;**

Ae yoi,.

ae yoi, nei yabori anamag allah yubu yangkilamna komag yowi sembe mem ae alameg, aneba yowi ukuma ra'hiip sorop ae sembe, mem yowiag kelabo wa'alameg kom, elpa nengabo mo, mem yowiag aha mema lero niamangkina ulamlong, yowi anena nengabori ae, as nohonag kabuni mmeikno wamna ranena ae yowi solamlong, weag kelabori ayag wamna aneko nengabo yowiag yanep, ae yowiag aha nimia mangkina ulameg, nengkabo yowi wamnari yubu esa'a-esa'ange lelamlon, ae yonggo webanepne, tan nia mangkina unepne, yubu ora moga wamnange yowiag aha mo ampat sirop, nimi mo yabalamna nimi babe yowiag maamna pirop, yowi sembe mek nimiri.

Kelabo ae

Kelabo ae anena kelabo urop ae, kelabo aeag kelabo aha mo urop, nengabo kelabo aeag kwaneng sembe aha yankirop, kel me ap yubu lemnepe aha yangkirop, kelabo ae aha phamba mo'ohirop, me olog-olgne kelabo aeag urop, me ologne, yo'og ebamna komag hengkun wilindiagto tompareagto wamnari kelabo aeag ua urop, meneko nubu ranan tanena yuwiag talamlong, kelabo ae, kelaboap mo urop, nena kelabo ayag aha pham mo'ohirop.

Sora'ae.

Sora'ae arob ae ennena, mek yubuag nennangti pei ae arob, sora'ae ae enena ya'ag uro urop kom ae, elpa wamna sunuro, sora'aena kwaneng ten ae, mek nimiri awe peiag kal khaepto webanep tanena ae sora'ae sorop, ae sora'ae soropnena awe welamnari saba'ag yopnak, mag yanpa wa'anag, hengog uapa ua unag, nena awe aneko welamnari yin yae, sekop, peiauropag, nena kwaneng awe wero tukap semban tanena, sora'ae sowamna anekoag aha yoro tenepag sembe sorop. Ae sora'aeba nena ko'oro kel meap ko'oro pina uroag, ko'oro pina aneko wamnari pham mo'oro urop ae.

AE SOROPNE

Ae sobanepag salag lemnari sobanun semban tanena menekna menekanep, ae sobaneag menektopne, heing loknep, aeog lehebanenp, peagkano salekanep, peagkano salekanep, saleklamanari, aplengangeba salekanep, salekan tanena, ae aha nenaba menekanep, ae aha menektopne, wirimna, ae wahae, nenaba menektop peramag peilanem, pelan tanena, nimiag arukahinep tane, nimiag aruksirop, elpa ae ngeinge poneko mo sobanun semban tanena mo sobanep.

Ae sobanepag ik ko'o etpare ag torop, selekne aeagha toropne, phendep atwa'aren tomnari aeog iktop ko'o anea peagkano soro, ae mopto kalangae salektop ko'o, anea ae kelange salekto imag laplong apon karepto hao sin porop ko,o

Selekne, at wa'aaren toropne ap aeog iktopne,



Mek nimi ae sobanep, ane sobanep tanena anamag orange ua kom agna, aeaha menekto peramag parelangkirop parelan tanena. At wa'aren totorop, at wa'aaren toropne ae sobaneba sunuro mibi aha ranena ae sebanepa sunuro malia taepo kolbandi at wa'aren tolamlong. atwa'aren tomna ranena aeog iktop, ikiaha ranena tika saeptop, tika saeplamnari peag kanoba sorop, peagkano solamnari weiplog ibia aplengnang sobia uro sorop, weilogap aplengnang sorop solamnari kwaepna ap ya,aag sorop soban tanena, kal sirig lafan aropne karerop.

Phendepne awe wahae salekto imag lamtopne.



Ae wahae salektopne ae sorop aneko tika saepo komoban tane kwaemna tomnari ae eneko wahae salektop, wahae salektopne kal sabaneba sunuro peilangkilamri, hengpa menekto peilangkina, weirimna tobia ae wahae salektop, wahae salekan tanena kelanga salaptop, kelanga salaptop heng poreng menekto peilangkilamna tolpa kelanga salabanep, imag lapneba sunuro wahae lakana anero roma kelanga salaben. Kelamnag salekan tanena imag laptop

Ae Imag Laptone



Ae imag latopne, wahae salekto kelang salaban tanena, imag laptop, imag latop imak kangoro menekalan aneko kempamnari, imag anekoaha meikno semban tanena imag pon yangane nena, menenga koumto peiamna aneko aha kiliro sobanep, pon imag menenga aneko soban tanena, erenne iamg kango wendogne peilangkilamneng tolpinan ranena ae imag lamtop, ae imag aneko, latop poa ya'ag kobarum ag peilangkilamnari, tolagna imag latop, tolagna imag lapan ranena komoptoag uanep komotoagna, iamg sirik o,oro ae somon kalero imag sirik wenge karebto ae hao sim pomnep, ae hao sin pomna rane arat komoptopne uanep.S